



Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava "Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socioekonomskog uticaja energetske krize" utvrđen budžetom Federacije BiH za 2023. godinu Federalnom ministarstvu razvoja, poduzetništva i obrta (Službene novine FBiH br. 60/23) i Odlukom Upravnog odbora Fonda broj: UO-01-3-13-11-1/2023 od 30.10.2023. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energetske efikasnosti u mikro, malim i srednjim preduzećima za 2023. godinu - JP BPEU MMSP 2023-1 („Službene novine Federacije BiH - Oglasni dio“ broj: 85/23 od 03.11.2023. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

O D L U K U

I.

Odbija se prigovor podnosioca prijave Rudarski institut d.d. Tuzla, ul. Rudarska broj 72, 75000 Tuzla kao neosnovan.

Podnosilac prigovora ima pravo ponovnog podnošenja prijave u skladu sa uvjetima Javnog poziva.

II.

Ova Odluka je konačna i stupa na snagu danom donošenja.

O b r a z l o ž e n j e

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energetske efikasnosti u mikro, malim i srednjim preduzećima za 2023. godinu – JP BPEU MMSP 2023-1 broj 01-09-12-83/2024 od 12.03.2024. godine, utvrđeno je da prijava pod rednim brojem 251. nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj 01-09-12-1183/24 od 28.03.2024. godine, uvidom u tekst Javnog poziva komisija za prigovore je ustanovila da podnosilac prijave nije zadovoljio uvjete Javnog poziva. Prema tekstu Javnog poziva, podnosilac prijave treba da bude priključen na distributivni sistem maksimalnog naponskog nivoa od 1 kV, te da imaju izrađenu PTD i ishodomane sve potrebne suglasnosti i dozvole. Podnosilac prijave ne zadovoljava navedene uvjete Javnog poziva budući da je napon na

mjestu priključenja podnosioca prijave 10 kV. Kada je riječ o Listi osiguranih lica iz poslovne jedinice Bijeljina, podnosilac prijave nije dostavio niti jedan dokaz (u vidu priloga ili komentara u prijavi) da navedena PJ nije aktivna i da nema uposlenika. Obzirom na navedeno, komisija za ocjenu prijava nije mogla da zaključi da navedena PJ nije aktivna.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.


Slađan Bevanda, direktor



Broj: 01-39-12-1933/2024

Sarajevo, 05. 04. 2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a